

CONVENIO DE COLABORACIÓN ENTRE A CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES E O CONCELLO DE LEIRO PARA O ACONDICIONAMENTO DA CAPELA DE SAN PEDRO.

MEMORIA XUSTIFICATIVA

O secretario xeral técnico da Consellería de Cultura, Educación, Formación Profesional e Universidade

DECLARA:

Que a Consellería de Cultura, Educación, Formación Profesional e Universidades formalizou co concello de Leiro o instrumento convencional arriba referido por un período de vixencia que abrangue dende a o día da súa sinatura e manterá a súa vixencia ata o 31 de decembro de 2023.

Que o instrumento convencional ten por obxecto o establecemento das condicións para a colaboración entre a Consellería de Cultura, Educación, Formación Profesional e Universidades e o Concello de Leiro para o acondicionamento da Capela de San Pedro.

Que existe converxencia de intereses entre as entidades asinantes en orden á consecución obxecto referido.

Que o instrumento convencional que se pretende asinar se fundamenta no seguinte:

Primeiro.- A Xunta de Galicia asume a xestión das funcións sobre o patrimonio cultural en virtude do Real decreto 2434/1982, do 24 de xullo, sobre traspaso de funcións do Estado á Comunidade Autónoma de Galicia en materia de cultura, de acordo co establecido no artigo 27.18 do Estatuto de Autonomía, en consonancia co estipulado no artigo 148.1.16 da Constitución Española, ámbito desenvolvido na Lei 5/2016, do 4 de maio, do patrimonio cultural de Galicia.



A súa vez o artigo 1 do Decreto 119/2022, do 23 de xuño, polo que se establece a estrutura orgánica da Consellería de Cultura, Educación, Formación Profesional e Universidades, dispón que esta é o departamento da Xunta de Galicia ao cal lle corresponden, entre outras, as competencias e funcións en materia de promoción e difusión da cultura, do patrimonio cultural, dos aspectos vinculados á protección e promoción do patrimonio cultural de Galicia e dos camiños de Santiago.

Segundo.- O artigo 198 apartados 1) e 2) da Lei 5/1997, do 22 de xullo, de Administración Local de Galicia establece que as administracións públicas galegas axustarán as súas relacións aos principios de colaboración, cooperación, auxilio, coordinación e respecto aos correspondentes ámbitos competenciais, garantíndose a máxima eficacia nas xestións administrativas, podendo subscribir convenios de cooperación entre si, segundo o disposto no artigo 198 da mesma lei.

Terceiro.- A Capela de San Pedro, no Concello de Leiro, é un ben catalogado. Está incluído no Catálogo do Patrimonio Cultural de Galicia ao abeiro do disposto no artigo 30.1 da Lei 5/2016 do patrimonio cultural de Galicia.

O citado artigo 30.1 dispón que os bens inmobles que, polo seu interese cultural, se recollan individualmente singularizados nos instrumentos de planeamento urbanístico e ordenación do territorio, se integran no Catálogo do Patrimonio Cultural de Galicia, incluído, no seu caso, o seu entorno de protección, salvo que teñan a consideración de bens de interese cultural. A capela está incluída no PXOM do Concello de Leiro.

Trátase dunha edificación relixiosa do século XVI, de planta rectangular con muros de carga con contrafortes de perpiaños de granito, ábsida rectangular e cuberta a tres augas, con cuberta de tella curva. Na súa fachada rectangular destaca unha portada de trazos renacentistas.

Fai anos fíxose unha intervención nela co fin de consolidar o seu envolvente, tanto a nivel de cuberta como a nivel estrutural, por mor de que algún dos seus arcos presentaba importantes desplomes.

Coa intención de complementar as anteditas obras coa sinatura deste convenio preténdese acondicionar a Capela de San Pedro, fundamentalmente no seu interior e puntualmente nalgún elemento da súa fachada.

Tamén se propón proceder ao pintado da sancristía que se atopa en moi mal estado de conservación e a dotar de iluminación ao interior do templo.



Respecto o exterior, propónse actuar en dous elementos puntuais, a escalinata principal de acceso que se atopa sin encintar e a xardineira adosada a súa fachada sur, a cal vaise eliminar debido as humidades que se poidan transmitir ao interior da Capela.

Cuarto.- a Consellería de Cultura, Educación, Formación Profesional e Universidades considera de interese público a participación e apoio nas accións obxecto deste convenio, xa que supón a recuperación dun elemento do patrimonio cultural de Galicia.

A estes efectos a Lei 5/2016, do 4 de maio, do patrimonio cultural de Galicia, baixo a rúbrica de "colaboración interadministrativa", establece a necesidade de colaboración entre as distintas administracións para garantir, entre outros, a protección e a recuperación do patrimonio cultural. O citado precepto establece en relación ás entidades que integran a Administración local, no que respecta aos bens do patrimonio cultural de Galicia que se localicen no seu ámbito territorial, teñen, entre outras obrigas, a de protexelo, difundilo e fomentar o seu valor cultural, así como adoitar, nos casos de emerxencia, as medidas cautelares necesarias para salvagardar os bens que visen a súa integridade ou valor ameazados.

Quinto.- A Diocese de Ourense como titular do ben inmovible púxoo a disposición do Concello de Leiro para que este execute as actuacións de acondicionamento da Capela de San Pedro establecidas na memoria valorada de acondicionamento da Capela de San Pedro.

Sexto.- Por outra banda, a falta de recursos dun pequeno concello para poder acometer as devanditas actuacións, nun marco orzamentario restritivo, de austeridade e control do gasto público e, asemade, necesariamente estable por imperativo legal para as entidades que integran a Administración local, configuran un contexto do que se derivan, entre outras consecuencias, a imposibilidade para o concello de afrontar en solitario os compromisos económicos que supoñen estas actuacións.

A conxuntura descrita, a necesidade extraordinaria de asistencia, manifestada polo concello, e o obxectivo da actuación, así como a existencia de crédito axeitado e suficiente para a súa aplicación eficaz a través do convenio que se pretende subscribir, acreditan a existencia de razóns de interese público que xustifican o recurso ao procedemento excepcional de concesión directa dunha subvención a favor do Concello de Leiro.



Que a través deste convenio, outórgase ao concello de Leiro unha subvención directa en virtude do disposto no artigo 19.4 c) da Lei 9/2007, do 13 de xuño, de Subvencións de Galicia, polas razóns de interese público, expostas nos puntos anteriores e que dificultan a súa convocatoria pública, de conformidade co previsto no artigo 26.2.a) da Lei 9/2007 do 13 de xuño, de subvencións de Galicia.

Que os intereses converxentes das partes asinantes exclúen o ánimo de lucro, e non poden satisfacerse axeitadamente mediante a celebración dun contrato dos contemplados na Lei 9/2017, do 8 de novembro, de contratos do sector público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014, ou doutro instrumento alleo á natureza estritamente convencional.

En atención ao exposto, e a fin de dar cumprimento ao preceptuado no artigo 15.2. da Lei 1/2016, de 18 de xaneiro, de transparencia e bo goberno, estímase xustificado o recurso á sinatura do instrumento convencional que se pretende, con exclusión doutras figuras.

E para que conste, asínase esta memoria, en Santiago de Compostela

O secretario xeral técnico da Consellería de Cultura, Educación, Formación Profesional e Universidades

Manuel Vila López

